

**Intxaurrondo**  
Kultur Etxea

2024



# INTXAURRONDO

## Kultur Etxea

Urte oparoa izan da 2024a, ohiko musika programazio, jaialdi, jarduera eta zerbitzuez gain, auzotar eta herritarrekin lotutako proiektu berriez beteta etorri baitzen. Epe luzera egonkortu asmo dituzten egitasmoak jaio ziren iaz, komunitatearekin loturak sendotzeko asmoz irudikatutakoak.

Musika programazioari dagokionez, Donostiako zutikako kontzertu areto nagusia den neurrian, urte emankorra izan da, zalantzarik gabe. Ohi duen programazio zabalari helduz, bai ikusle zein sortzaileentzat erreferente izaten jarraitu zuen, kontzertu eskaintzaz harago, sektoreko katea osatzen duten atal guztietan egiten duen lanari esker.

Urteari indartsu ekin zion **Willis Drummond** eta **Ariel Rot** talde eta artisten kontzertu gogoangarriei esker. **Gorka Urbizuk** bere lehen bakarkako lana aurkeztu zuen, eta hiru egunez bete zuen aretoa. Udaberrian zehar, oholtza nagusitik pasa ziren **El Kanka** eta **Liher**, baita **Kulto Kultibo** eta **Triángulo de Amor Bizarro** galiziarrek ere. Kantautore doinuak, rock gogorra, raggamuffina edota noise rocka bezalako estilo anitz hauek guztiak, programazioaren eklektizismoaren erakusle.



Willis Drummond



Gorka Urbizu



El Kanka



Albert Pla

**Dr. Deseo, Albert Pla, El Twanguero** edota **Belako** eta **Anarik** eskainitako kontzertuetan, maiz eskegi behar izan zen *sarrerak agortuta* kartela, aretoak dituen jarraitzaile leialen erakusle.

Txanponaren beste aldean, zoritxarrez DOKA aretoa ezustean itxi behar izanaren ondorioz, han programatutako hainbat kontzerturi bide emateko plaza izan zen Intxaurrondoko aretoa. Modu honetan, **Anestesia** eta **Goma 2; Herenegun** eta **Mugan**, edota **Kerobia** eta **Bi Zaldi** taldeek euren kontzertuak eskaini ahal izan zituzten azkenean.

Bestalde, jaialdi gune oparoa izan zen **Intxaurrondo Kultur Etxea** 2024an ere. **Musikagela Fest, Donostikluba, Jamrock** edota **Kutixik** jaialdiek giro eta programazio paregabeak izan zituzten.

**Musikagela** programak, bere egoitzetako bat Intxaurrondo duenak, hiriko musika taldeei entsegu-gelak eta egonaldiak eskaintzeaz

gain, musika programazioko kartelak osatzeko aukera eman zien. Programa honi esker, **Anari, Ariel Rot, Triangulo de Amor Bizarro** edota **Twanguero** bezalako lehen mailako musikarien kontzertuak baliatu ziren, gertuagokoak diren **Muare, Hooper, Tritones, Los Veletas**, edota **Ander Zubiaga** musika ezagutzeko eta euren ibilbideak akuilatzeke.



Anari

**Intxaurrondo K.E.**an ematen den egoiliar programako taldeei dagokienez, bederatzita talde aritu ziren 2024an, zerbitzuak dituen bost gelatan. Horietako hiruk aurten amaitu dute egonaldia (**Pelax, Muare** eta **Los Premodernos**). Horiek utzitako lekuak **LUP, Haziak** eta **OEP** taldeek bete dituzte. Honek esan nahi du orotara 30 lagunek entseatu zutela modu egonkorrean Musikagela programako gelatan. Ohiko lan honez gain, **Suit Seda** taldeak bere bideoklipa grabatu zuen areto nagusian, lan ildo interesgarri bati bidea zabalduz.

2024. urtea zerbaitegatik emankorra izan bazen, auzoari eta komunitateari begira martxan jarri ziren programa berriengatik izan zen. Hiru izan ziren, hain zuzen, iaz abiatu ziren proiektuak: **Larrotxene Bideok, Politki** eta **IZBE** elkarteekin elkarlanean, **Intxaurdok** ekimena abiatu zuen. Lehen ekitaldi pilotu horretan, **Lauazeta** ikastetxeko DBH3ko ikasleekin aritu ziren, ikus-entzunezko alfabetatzearen bidez, auzoaren memoria eta garapenean sakontzen, modu sortzailean.

Beste alde batetik, eta oraingoan **Artaziak Koopekin** eta **Musikagelarekin** elkarlanean, gazteei zuzendutako **Bada** izeneko proiektu berria jarri zen martxan. Izan ere, gazteak, nahiz eta kultur kontsumitzaile eta ekoizle aktiboak izan, ez dute ahots propiorik inguruko kultura-programazioetan. Egoera honetan eragiteko asmoz, **Bada** ekimena kultur ekipamenduaren eta Donostialdeko musikari eta gazteen arteko triangulazioa osatu nahi duen proiektua da.

Lehenik eta behin, musika programazioaren gakoak ezagutzea eta honen gaineko ikuspegi kritikoa garatzea bilatu zen; ondoren, **Musikagela** programako lau talderekin topaketak eta entsegu irekiak antolatu ziren, elkar ezagutza laguntzeko; eta azkenik, gazteek euren gain hartu zuten ezagututako taldeetako baten kontzertua programatzeko ardura. Etorkizun oparoa izango duen programa honen lehen ekitaldia izan zen, beraz, iazkoa.

Eta, amaitzeko, nahi gabeko bakardade egoeran dauden pertsoneri zuzendutako **Kantu Artean** programa ere abiatu zen iaz, **Intxaurrondo**



Musikagela Weekend

**Berri Emakume Elkartearen** eskari batetik abiatuta. Egitasmo horren helburua da, taldean kantatzearen bidez, isolamenduarekin haustea.

**Intxaurrondo Kultur Etxean** dagoen **Musika Eskolako** lantaldearekin eta **+55**eko arduradunekin eskuz-esku landutako elkarlan egitasmoa urteko azken asteetan abiatu zen, gero eta ageriagoa eta larriagoa den gaitz honen aurrean konponbideak proposatu nahian.

**Emakumearen Asteak** aldarrikapen eta hausnarketarako programa oparoa ekarri zuen, Intxaurrondoko Emakume Elkartearekin elkarlanean landuta. Euskal Zinemagintzaren munduan emakumeek egindako ibilbide eta erronkak izan ziren hizpide iazko edizioan.

**Ibiltarien Asteak** munduan zehar bidaiatutako lagunak ekarri zituen, azken hogeita hamar urteetako udaberriko hitzordu honi leial. Iazko gonbidatu-zerrenda, punta-puntakoa: **Roge Blasco**, bidaien munduan erreferentea; **Ander Izagirre** kazetari eta idazlea, **Irantzu Iribar** eta **Tino Soriano**.

Urrian, **Centro Extremeño**ko bizilagunen **Extremadurako Astearen** txanda izan zen. Urtero errepikatzen den beste hitzordu honetan, Extremadurako jatorria duten bizilagunen hainbat belaunaldik egin zuen bat.

Eta auzoko eragileren bat aipatzekotan, zalantzarik gabe iazkoa, **Plazara Goaz** elkartearen urtea izan zen. Izan ere, euskararen erabilera sustatzeko asmoz sortutako elkarte honek 25. urteurrena ospatu zuen eta, erakusketaren bitartez, urte horietan guztietan bultzatutako ekimenak gogoratu zituzten. Elkarte horrek ekarri zituen **Porrotx**, **Marimototx**, **Pupu** eta **Loreren** bi saio ere, urtearen azken txanpan.

Auzoko jaietan ere hartu zuen parte Kultur Etxeak. Gazteleku eta Hautxokoak antolatzen dituzten jarduez gain, Intxaurrondo Zaharreko festetan **Zirika Zirkusen** antzerki-emanaldia eta **Nikotine** musika taldearen kontzertua izan ziren, San Juan Jaietan **Tomaxen abenturak** konpainiaren ibilbideko azken emanaldia aurkeztu zen, eta Intxaurrondo Hegoan, berriz, **Eraitsi S.L** kale-antzerkiak girotu zuen Sagastieder plaza. Bidebietan ere, auzoko jaiak zirela eta, **NiMu zirko konpainiak** bere lana eskaini zuen.



Semana del Viajero



Emakumeak zientzian



Irantzu Iribar

Donostiako Kultur Etxe Sarearekin batera antolatzen diren programei dagokienez, berriz, Intxaurren Kultur Etxeak **DFERIA**ko hiru antzezlan hartu zituen bere areto nagusian: **Khea Ziater** taldearen **La Sed del Minotauro**; **El Mono Habitado** konpainiaren **Guapa**; eta, azkenik, **Erre Pordukzioak**-en **Bihar Arte Soilik** lana.

Eta **Poltsiko Antzerki Jaialdiari** dagokionez Intxaurren hiru lan izan ziren programa osatu zutenak: **Promesa berdina egin diegu lagun guztiei** eta **Famiglia**, biak ala biak Poltsiko Antzerki Lehiaketako irabazleak, eta **Jon Zabala** mago mentalistaren saioa.

Ikastaro-eskaintzari dagokionez, Intxaurren Kultur Etxeko ikastaroetan igoera nabarmena eman zen, gaztelaniazko zein euskarazko eskaintzetan. Horien artean, berrikuntza aipagarrienak Adimen Artifiziala, Feldenkrais metodoa edota Baratza ekologikoa izan ziren.

Kultur Etxeko zerbitzu alorrari dagokionez, berriz, aipagarria da **Liburutegiaren** eskaintza.

**Poesia Egunaren** harira antolatutako irakurraldiaz gain, **Liburuaren Nazioarteko Egunean** ere parte hartu zuten literatur solasaldietako erabiltzaileek. Bestalde, komiki solasaldiek gero eta jarraitzaile gehiago biltzen dituzte bai euskarazko zein gaztelaniazko saioetan. Horren adierazle, adibidez, **Zaldierok** eskaintako solasaldia. Era berean, **Intxaurren Berri Emakume Elkartarekin** elkarlanean antolatzen den hilean behingo literatur tertulia egin zen. Liburutegiak irakurketak hautatu eta, liburutegi arteko mailegu zerbitzuaren bidez, behar adina ale izatea bermatzen du. Uda ere zabalik mantentzen den zerbitzu honetan, **Freskuda** programak oso harrera ona izan zuen, liburutegiko patio irekian jokoak, irakurketak eta lantegiak antolatuta. Eskaintza biribiltzeko, adin tarte bereziei zuzendutako **Liburu Baby Kluba** (0-3), **Liburulab** (+6 urte) eta **Ipuinaren orduak** (+3 urte) programek osatu zuten eskaintza.

**Haurtxokoa** eta **Gaztelekuan** jarduera ugari antolatu zen urtean zehar. Egin ziren ekintzen aniztasunak eta aberastasunak erakusten dute urte positiboa izan zela, komunitatearekiko

konpromisoa eta haurren eta gazteen ongizatea sustatzeko funtsezko zutabe izan zirela 2024an. Haurtxoko eta Gazteleku zerbitzuek, besteak beste, Haurren Nazioarteko Egunean eta azaroaren 25aren inguruko sentsibilizazioan hartu zuten parte. Epe laburrera eta luzera begirako ekimenek erakutsi zuten etengabe jarduten duela kultur etxeak gure komunitateko haur eta gazteentzako ingurune positibo bat sustatu eta gizarte-sarea indartuko duten esperientzia aberasgarriak eskaintzen.

**Plus 55** zerbitzuak urtez-urte handitzen doan eskariari erantzuna ematen jarraitu zuen. Teknologia berrietan trebatzearekin lotutako jardueraz gain, **Ostiralak Dantzan** jarduera arrakastatsuak dozenaka lagun erakarri zituen, eta **Olerkariaren Txokoa** genero honen maitaleek euren olerki kuttunak irakurri eta aztertzeke aukera izan zuten. Urteko programazioaren parte izan ziren hitzaldi, solasaldi, ibilaldi eta antzerki-jardueraz gain, programak aktiboki erantzun zien komunitatearen eskaera berriei, aurrez-aurreko aholkularitza zerbitzuarekin.



Eraitsi SL

## JARDUERAK

16

**Antzerkia (emanaldiak)**  
Erabiltzaileak: 1.997

1

**Dantza (emanaldiak)**  
Erabiltzaileak: 200

28

**Musika (kontzertuak)**  
Erabiltzaileak: 8.793

9

**Zinema (emanaldiak)**  
Erabiltzaileak: 461

6

**Hitzaldiak eta mahai-inguruak**  
Erabiltzaileak: 364

138

**Erakusketak**  
Erabiltzaileak: 3.148

242

**Bilerak eta elkarten ekitaldiak**  
Erabiltzaileak: 7.381

132

**Liburutegiko jarduerak**  
Erabiltzaileak: 1.358

56

**Plus 55**  
Erabiltzaileak: 1.339

178

**Gaztelekua**  
Erabiltzaileak: 2.587

236

**Haurtxokoa**  
Erabiltzaileak: 2.981

18

**Bestelakoak**  
Erabiltzaileak: 360

**Guztira**  
**1.060**  
jarduera  
**30.970**  
erabiltzaile

## ZERBITZUAK

53.831

bisitaldi  
**Liburutegia**

0

bisitaldi  
**Ikasgela**

0

bisitaldi  
**Gaztelekua**

0

bisitaldi  
**Haurtxokoa**

0

bisitaldi  
**KZgunea (Nabigazioak)**

0

bisitaldi  
**Altzako bilduma**

0

bisitaldi  
**Altzako bilduma web**

0

bisitaldi  
**DK Irratia web**

0

bisitaldi  
**Ispilu beltza magazine-podcasts**

0

bisitaldi  
**Bideo tailerra**

2.352

bisitaldi  
**Musikagela**

3.228

bisitaldi  
**Musika Eskola**

0

bisitaldi  
**Plus 55**

**Guztira**  
**59.411**  
BISITALDI

## PRESTAKUNTZA

Ikastaro-  
eskaintza Osatutako  
ikastaroak Erabiltzaileak Emakumeak Gizonak

<b>GUZTIRA</b>	<b>46</b>	<b>38</b>	<b>593</b>	<b>446</b>	<b>147</b>
<b>2023-2024 IKASTAROAK</b>	<b>26</b>	<b>18</b>	<b>284</b>	223	61
<b>Ikasturte osokoak (2023ko urria - 2024ko maiatza)</b>					
<b>Egile-ikastaroak</b>					
Euskaraz	0	0	0	0	0
Gaztelaniaz	1	1	7	1	6
<b>Ikastaro orokorrak</b>					
Euskaraz	10	7	100	82	18
Gaztelaniaz	10	6	118	93	25
<b>Bigarren lauhilekoko ikastaroak (2024ko otsailean hasita)</b>					
<b>Egile-ikastaroak</b>					
Euskaraz	0	0	0	0	0
Gaztelaniaz	1	1	12	10	2
<b>Ikastaro orokorrak</b>					
Euskaraz	1	0	0	0	0
Gaztelaniaz	3	3	47	37	10
<b>2024-2025 IKASTAROAK</b>	<b>19</b>	<b>19</b>	<b>287</b>	220	67
<b>Ikasturte osokoak (2024ko urria-2025eko maiatza)</b>					
<b>Musikagela, Larrotxene Bideo, DK Irratia</b>					
Euskaraz	0	0	0	0	0
Gaztelaniaz	0	0	0	0	0
<b>Ikastaro orokorrak</b>					
Euskaraz	6	6	94	71	23
Gaztelaniaz	7	7	138	113	25
<b>Lehenengo lauhilekoko ikastaroak (2024ko urria-abendua)</b>					
<b>Musikagela, Larrotxene Bideo, DK Irratia</b>					
Euskaraz	0	0	0	0	0
Gaztelaniaz	2	2	12	4	8
<b>Ikastaro orokorrak</b>					
Euskaraz	3	3	30	23	7
Gaztelaniaz	1	1	13	9	4
<b>IKASTARO PUNTUALAK</b>	<b>1</b>	<b>1</b>	<b>22</b>	3	19
<b>Tailer, mintegi eta masterclassak</b>					
Euskaraz	0	0	0	0	0
Gaztelaniaz	1	1	22	3	19
<b>KZgunearen IKASTAROAK</b>	<b>0</b>	<b>0</b>	<b>0</b>	0	0
<b>BESTE ERAKUNDEAK KZgunean</b>	<b>0</b>	<b>0</b>	<b>0</b>	0	0

**KULTUR ETXERA egindako bisitak**  
**Guztira 140.879**